

Segun comunicado di parlamentario Mervin Wyatt-Ras:

Prevencion di dengue lo ser dirigi tambe ariba nos hubentud na scol cu e buki y video titula "GINO y e sangura di dengue"



ORANJESTAD – Diabierna atardi parlamentarionan di AVP, tabata di bishita na e departamento di Salud Publico unda a ricibi presentacion di

Diferente profesional encuanto Dengue y trabounan cu ta ser haci dor di gobierno pa atende cu casonan y prevencion. Presente tabata, Eugene Maduro y Maribel Tromp di seccion Epidemiologia, dr. Ordonez di inspeccion, dr. Salazar, Kappel di Team di Maneho, Roque Dirksz di GKMB y .Latifa Mercera di Malesanan contagioso. E profesional nan aki ta parti di DOT "Dengue Outbreak Team".

En concesion di dia di Salud cu a ser celebra siman pasa, e aña aki mundialmente a dedica atencion ariba malesanan cu ta ser transmiti pa medio di "vector", esta malesanan cu ta ser transmiti dor di sangura, musca, tor, carpata, chupachupa, y haraña, etc. Di esakinan Malaria ta esun cu consecucionan mas drastico pero cu ta bahando den cantidad y dengue ta malesa cu ta aumentando durante ultimo añanan, entre otro dor di cambio di clima na diferente pais y regionnan. E malesa aki ta tuma actualmente 40% di poblacion mundial. Ademas nos mester tin in mind e malesa chikungunya di cual un caso so tabata conoci y cu nos por ta trankil di esaki.

Tin un surveillance pa dengue y tambe pa chikungunya. Ora ta trata dengue e persona por tin keintura, rash, dolor di weso y por haya hemoragia. Ora ta trata chikungunya e persona ta haya mas dolor di weso y e ta keda mas tempo, e keintura ta menos haltu y

no tin hemoragia. E cantidad di casonan di dengue te cu januari 2014 ta 1028. E aña aki tin 166 caso di cual 20% Tin un protocol pa anda cu caso cu ta prescribi kico pa haci ora señala. Y ora e caso yega via referencia di p.e. dokternan di cas, ta tuma contacto cu GKMB pa fumi-ga na e cas y den cercania. Alabes GKMB tin 44.000 adres na Aruba pa monitor. A dicidi pa uniforma y traha hunto pa asina preveni y ora tin caso traha mas efectivo. Alabes na aña 2010 a traha un plan di accion titula "Nacio-

nal DENGUE prevencion y control". Por a nota cu e cantidad di casonan a baha. Por ehempel na 2008-2009 a nota 3382 di cual 1354 caso a keda confirma como positivo y 2028a keda sospecho. Esaki tin di haber tambe cu ora tin yobida.

Tin diferente lugan cu ta vulnerable manera unda tin hopi hende esta casnan di anciano, KIA, scolnan. Alabes tin hot spots manera Santana, Mangel nan den lama, unda ta benta sushi. Pa cu esaki tin cooperacion estrecho cu Serlimar y City Inspector.

Hotel tambe ta un luga vulnerable en concesion cu proteccion di nos turismo y aki tambe tin continuamente accionnan preventivo.

A constata cu ta dificil di cambia comportacion di nos hendenan adulto. A publica diferente material di informacion, entre nan un brochure titula: "Dengue por causa morto.

Prevencion e unico solucion". Ademas tin un check lista pa dengue.

DOT a realisa cu ta mas efectivo pa banda di enfoca ariba



e grupo di adulto, pa enfoca alabes ariba nos muchanan na scol y e aña aki a publica un buki informativo titula: "Gino y e sangura di dengue".

Un buki estilo di strip verhaal cu lo ser reparti na tur scol na Aruba y siman pasa a keda entrega e prome ehemplar dor di minister Mi-

chelle Hooyboer-Winklaarna un scol den cuadro di dia internacional di Salud.

Mervin Wyatt-Ras y su colega nan a keda impresiona cu e bon trabao cu ta ser desplega y ta spera cu DOT por continua cu e trabao aki, en e special e trabou preventivo dirigi ariba nos hubentud. □